

Broj: 07-02-1592-27/25/09
07-02-1593-23/26/09
01-07-1311-35/09
01-07-198-21/10

Mostar, 11.03.2010. godine

Na osnovu člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine (Službene novine Federacije BiH broj 13/04), člana 31. stava (2), člana 37. stava (5) i člana 53. stava (2) Poslovnika o radu Regulatorne komisije za električnu energiju u Federaciji Bosne i Hercegovine (Službene novine Federacije BiH broj 59/04), te člana 36. stava (6), člana 46. stava (3), člana 48. stava (1) i člana 49. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine (Službene novine Federacije BiH broj 37/05), te Odluke o provođenju četvrtog tarifnog postupka broj 01-07-1311-02/09 od 05.11.2009. godine, Odluke o provođenju trećeg tarifnog postupka broj 07-02-1592-07/25/09 i broj 07-02-1593-07/26/09 od 24.02.2010. godine i Odluke o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 07-02-1593-08/26/09, broj 01-07-1311-16/09 i broj 01-07-198-03/10 od 24.02.2010. godine, rješavajući po Zahtjevu za sticanje statusa umješača koji je u FERK primljen 04.03.2010. godine pod brojem 07-02-1592-14/25/09, brojem 07-02-1593-12/26/09, brojem 01-07-1311-22/09 i brojem 01-07-198-09/10, podnosioca Udruženja za poduzetništvo i posao LINK Mostar, Regulatorna komisija za električnu energiju u Federaciji Bosne i Hercegovine – FERK je, na III redovnoj sjednici, održanoj u Mostaru dana 11.03.2010. godine, donijela slijedeći

ZAKLJUČAK

- I. Odobrava se Zahtjev Udruženja za poduzetništvo i posao LINK Mostar za sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije koji je u FERK primljen 23.12.2009. godine pod brojem 07-02-1592/25/09, u postupku formalne rasprave po Zahtjevu za odobrenje tarifa za djelatnost distribucije električne energije koji je u FERK primljen 23.12.2009. godine pod brojem 07-02-1593/26/09, zatim u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima za nekvalifikovane (tarifne) kupce i o tarifnim stavovima za korisnike distributivnog sistema Javnog poduzeća „Elektroprivreda Hrvatske zajednice Herceg Bosne“ dioničko društvo Mostar,
- II. Umješaču iz tačke I. ovog zaključka dozvoljeno je učestvovati u postupku formalne rasprave, iznositi dokaze, primjedbe i argumente i pridržavati se postavljenih rokova. Voditelj postupka može ograničiti učestvovanje umješača, u slučajevima kada je to u cilju efikasnog vođenja rasprave. Umješač ima i druga prava i obaveze u skladu sa odredbama Poslovnika o radu FERK-a i Pravilnika o javnim raspravama i rješavanju zahtjeva i žalbi FERK-a.

- III. Ovaj zaključak je konačan i stupa na snagu danom donošenja, te se objavljuje na oglasnoj tabli i web stranici FERK-a.

O b r a z l o ž e n j e

Član 53. stav (2) Poslovnika o radu FERK-a propisuje da FERK može dodijeliti status umješača licu koje dokaže direktan interes za tarifni postupak, koji je različit općem javnom interesu, te da je umješaču omogućeno učestvovati u postupku, svjedočiti i zahtjevati informacije putem člana FERK-a ili voditelja postupka formalne rasprave. U skladu sa članom 46. stavom (3) Pravilnika o javnim raspravama i rješavanju zahtjeva i žalbi FERK-a, kriterije za utvrđivanje prava i statusa umješača FERK određuje za svaki konkretan slučaj posebno, zavisno o okolnostima slučaja. Članom 48. stavom (1) istog Pravilnika propisano je da FERK o zahtjevu za priznanje statusa umješača odlučuje u roku od 15 dana od dana prijema zahtjeva u FERK. Članom 36. stavom (6) i članom 49. istog pravilnika propisan je način na koji umješač dostavlja svoje podneske i na koji je način ovlašten učestvovati u raspravi.

Odlukom FERK-a o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 07-02-1593-08/26/09 broj 01-07-1311-16/09 i broj 01-07-198-03/10 od 24.02.2010. godine određeno je da status umješača u formalnoj raspravi može steći pravno ili fizičko lice pod uslovom da blagovremeno podnese zahtjev za sticanje statusa umješača i da ispunjava kriterije: da ima direktan interes u postupku radi odobrenja tarifa za djelatnost proizvodnje električne energije i/ili u postupku radi odobrenja tarifa za djelatnost distribucije električne energije i/ili u postupku radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca i/ili po prijedlogu tarifnih stavova u vezi s kojim podnosi zahtjev za sticanje statusa umješača, a koji je različit od općeg javnog interesa i da raspolaže podacima i činjenicama od važnosti za formalnu raspravu u trećem i/ili četvrtom tarifnom postupku koji se vodi pred FERK-om. FERK je putem Obavještenja za javnost o provođenju trećeg i četvrtog tarifnog postupka za JP „Elektroprivreda HZ HB“ d.d. Mostar i održavanju formalnih rasprava, objavljenom u Dnevnom listu i Oslobođenju dana 25.02.2010. godine, te objavljenom na oglasnoj tabli i na web stranici FERK-a, odredio da se zahtjev za sticanje statusa umješača podnosi FERK-u do 09.03.2010. godine do 12:00 sati.

Dana 04.03.2010. godine, Udruženje za poduzetništvo i posao LINK Mostar podnijelo je Zahtjev za sticanje statusa umješača u postupcima formalnih rasprava, koji je u FERK primljen pod brojem 07-02-1592-14/25/09, brojem 07-02-1593-12/26/09, brojem 01-07-1311-22/09 i brojem 01-07-198-09/10, a kojim je podnosilac zatražio sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, zatim u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima JP „Elektroprivrede HZ HB“ d.d. Mostar.

U zahtjevu za sticanje statusa umješača, podnosilac je naveo da ima u svom članstvu 285 malih i srednjih preduzeća, koja zapošljavaju ukupno preko 1.350 zaposlenika, te da smatra da zaslužuje status mješača, jer ima direktan interes, a raspolaže i podacima i činjenicama od značaja za formalnu raspravu, da ima dokaze da JP „Elektroprivreda HZ HB“ d.d. Mostar ima previsoko prikazane troškove proizvodnje, distribucije i snabdijevanja električnom energijom uključujući trošak nabavke električne energije, da je ista zvanično objavila dobit od 25.000.000,00 KM za 2009. godinu, te da smatra da javno preduzeće ne bi smjelo imati toliku dobit iz javne usluge. Navedeno je i da ovaj podnosilac u svojim nastojanjima ima podršku i više udruženja poduzetnika sa područja cijele FBiH, te da praktično zastupa intrerese MSP-a cijele FBiH. U privitku navedenog zahtjeva za sticanje statusa umješača dostavljena su pisma podrške od strane: Udruženja malih i srednjih poduzetnika u BiH, Obrtničke komore Federacije BiH, J.P.RPC Tuzla–Inkubator „Lipnica“ d.o.o., Udruge poduzetnika i poslodavaca Žepče, Obrtničke komore ZHŽ, REZ Regionalne razvojne agencije za Centralnu BiH, Udruge poljoprivrednika u Bosni i Hercegovini, Udruženja privrednika „Srebrenik“ Srebrenik, te Nezavisnog biroa za razvoj.

Rješavajući po Zahtjevu za sticanje statusa umješača podnosioca u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima JP „Elektroprivrede HZ HB“ d.d. Mostar, utvrđeno je da podnosilac predstavlja mala i srednja preduzeća, na čije poslovanje cijena električne energije ima uticaja.

Budući da je podnosilac dokazao postojanje direktnog interesa za učestvovanje u postupku formalne rasprave po podnesenom Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po podnesenom Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima za nekvalifikovane (tarifne) kupce i o tarifnim stavovima za korisnike distributivnog sistema JP „Elektroprivrede HZ HB“ d.d. Mostar, te da raspolaže podacima i činjenicama od važnosti za ove formalne rasprave, odlučeno je kao u dispozitivu ovog zaključka.

PREDSJEDNIK FERK-a
Zdenko Šimunović s.r.